

ILUARSISSUT

Isumaliutissiissut 12. maj ulluligaq taarserpaa. Inassuteqaatit allanngortinneqarput.

MISSINGIUT

Umiarsuarmik ilaasartaammik sinersortaammik Nanortalimmiit Upernavimmut angalasoqarsinnaasunngorlugu 2020-miit ataatsimik umiarsualiisoqaqqinnissaanik sulissuteqaqqullugit Naalakkersuisut peqqunneqarnissaannik Inatsisartut aalajangiiffigisassaattut siunnersuut.

Inatsisartunut ilaasortamit Aqqalu C. Jerimiassenimit siunnersuutigineqartoq

Sanaartornermut Ataatsimiititaliap

siunnersuutip aappassaaneerneqarnissaanut

ISUMALIUTISSIISSUT

Ataatsimiititaliap suliarinninnermini ilaasortarai:

Inatsisartut ilaasortaq Anders Olsen, Siumut, siulittaasoq
Inatsisartut ilaasortaq Peter Olsen, Inuit Ataqtigiit, siulittaasup tullia
Inatsisartut ilaasortaq Aqqaluaq Egede, Parti Naleraq
Inatsisartut ilaasortaq Nikkulaat Jeremisassen, Siumut
Inatsisartut ilaasortaq Justus Hansen, Demokraatit

Ulloq 25. april UPA2019-mi siullermeerinninnerup kingorna ataatsimiititaliap siunnersuut misissorpaa.

Siunnersuutip imarisai siunertaalu

Siunnersuuteqartup kissaatigaa Naalakkersuisut 2020-miit Upernavimmiit Nanortalimmut sinersortaatinut angalanissamut periarfissaqalernissaa suliniutigissagaat. Siunnersuuteqartutaaq ilaatigut ersarissarpaa immakkut angallanermik pitsaanagerusumik ujartuisoqarneranut timmisartukkut angallannerup akisunerujussua tunuliaqutaasoq.

Inatsisartuni siunnersuutip siullermeerneqarnera

Siullermeerneqarnerani isumaqatigiissutigineqarpoq nuna tamakkerlugu angalanerup akikinnerunissaa. Soorluttaaq maannakkut avinngarusimasunik sullissineq naammaginartumik ingerlanneqanngitsoq isumaqatigiissutigineqartoq.

Inatsisartut suleriaasianni § 33, imm. 1. naapertorlugu, aalajangiiffigisassatut siunnersuutip piviusunngortinnerani aningaasatigut allaffissornikkullu kingunissai siunnersuummut tungavilersuutini allaaserineqassasoq.

Ataatsimiititaliap maluginiarpaa, siunnersuutip piviusunngortinnissaanut naapertuuttumik aningaasatigut kingunerisassai allanneqarsimasut, taamaalilluni Angallannermut Isumalioqatigiisitap nalunaarutaa innersuussutigineqarpoq Qaqortumiit Ilulissanut sineriak sinerlugu ilaasunik imaatigut angallassineq ” qupperneq 12.

Tassani takuneqarsinnaavoq, umiarsuarmik nutaamik sineriak sinerlugu imaatigut angallassinermut umiarsuup nalingata sinnera ilanngullugu 2009-mi akit naapertorlugit 57,7 mio. kr.-niusut. Peqatigitilluguli Ataatsimiititaliap maluginiarpaa, Sarfaq Ittummut taarsiullugit umiarsuarmik nutaamik pisinissaq aningaasartuutaajumaartussatut pineqarsimammata. Angalaffisaq tamakkerlugu ilaannaataluunniit angallavigineqarnissaanut aningaasartuutissat naatsorsorneqarsimangillat.

Ingerlaqqillutik toqqaannartumik Angallanneq Pillugu Isumalioqatigiisitap Isumaliutissiisummini oqaatigaa, “Qaqortumi mittarfiliortoqassappat, imaatigut angallassinermi ilaasunut tungaviusut ilaat peertussaapput, aammalu ilaasumut ataatsimut kilometerit agguaqatigiissillugit aningaasartuutissat [...]”. Taamaammat sineriak sinerlugu immakkut angallassinissaq aningaasaqarnermut akiliisinnaassutsimullu pitsaanngitsumik angallassinermut tamarmut pingaarnerusutigullu aningaasaqarnermut akiliisinnaassutsimullu sunniuteqartussaavoq sunniutaasalu sakkortunerpaaffigisinnaallugu Qaqortumi mittarfiliinissamut aningaasaliisimanerup unitsiinnarnissaa, taanna unammillernartoqartinneqareersoq.

Taamaammat siunnersuutip piviusunngortinnissaanut aningaasatigut kingunissaasa allaaserineqarnera naammangitsutut isumaqarfigineqarpoq.

Ataatsimiititaliap taamaammat peqqissaartumik nalilersorpaa, siunnersuutip piviusunngortinnerani aningaasatigut kinguneqarnissaanik malitseqassanersoq. Maannakkut tungavissat tungavigalugit Ataatsimiititaliaq nalilivoq, maannakkut sineriak sinerlugu immakkut angallassineq allamik sinersoqataasussamik ilaneqarneratigut suut aningaasartuutaalerumaassanersut annertuumik qularnartoqartoq.

Ataatsimiititaliap siunnersuummik suliarinninnera

Ataatsimiititaliap siunnersuut oqallisigaa marluginiarlugulu, partiit akimorlugit amerlasuunit isumaqatigiissutigineqartoq, ajornartorsiutit tungaviusut akinut angallasserullu aalajaatsuunngitsumik angalasanninnerinut tungassuteqartut.

Attaveqatigiinnerup aaqqiissugaanissaa pillugu isumasioqatigiinneq ulluni 20.-21. marts –mi aaqqissorreqartup takutippaa, assigiinngitsunik sammivilippassuarnik tunngaviatigullu sunik tamanik kissaateqartoqartoq. Kissaatigineqartut akulikissutsinut, angallassinerep, sullissinermi pitsaassutsip qaffasissusaa, sivikitsumik angallanneqarneq angallassinermullu akit appasissut. Tamannalli periarfissaanngilaq, missingersuuteqarmat aningaasanullu inatsimmik malinnittussamik, minnerunngitsumillu inuttaqarnikkut atortuutitigullu, aqutissiuunneqartussat suliaasanillu aaqqiinnermut atugassanik.

Sanaartornermut Ataatsimiititaliaq ataatsomoorluni naliliivoq, siunissami angallannermik aaqqiiniarnermi pisariaqartinneqartunik aaqqiissutissat assigiinngitsut pisariaqartinneqartut. Siunissami aaqqiissutissat ukiup qanoq ilineranik tunngaveqartinneqartassapput, sumiinneq, innuttaasullu amerlassusaat il. il. taamaammatt nunamut tamarmut atuuttussamik tamaat isigalugu atuuttussamik aaqqiissutissaqanngilaq. Ataatsimiititaliilli aaqqiissutissanik assigiinngitsunik pisariaqartitsisoqartoq inerniliissutigerusuppaa.

1. Aaqqiissutissaq akikitsuararsuaq, akulikissuseq, aalajaatsumik amngallassineq, naatsorsuutigineqarsinnaassuseq sullissinerlu qitiutinnagu.
2. Tikitassanut aalajaatsumik angallassinissamik aaqqiissutissat, innuttaasunik naatsorsuutigineqarsinnaasumik nunap iluani avataanullu angallannernut allanut attaveqarnissanut naapertusakkat sullissinerlu annikinnerpaaffilersorneqartoq.
3. Naggataatigut piumasaqaateqartoqarpoq qaffasissumik akulikissutsimut sukkaasumillu angallassineq ima eqaatsigisoq annertuumik sullissinermik piumasaqaateqarnissamik piumasaqaateqartariaarullugu angalaneq sivikimmat.

Ataatsimiititaliaq naliliivoq aaqqiissutaasinnaasutut periutsit tamarmik nuna tamakkerlugu atulersinnaanngitsut soorluttaaq aaqqiissutissat pisinnaasut tamakkiisumik namminersortut peqatigalugit tamakkiisumik ilaannakortumilluunniit suliaqartut peqatigalugit sullissinissamik isumaqatigiissuteqarsimappata isumaqatigiissuteqarsimanngikkaluarpataluuniit.

Taamaalilluni piffimmi iluaqutaasussanik assigiinngitsuni umiarsuarmik angallattunut oqilisaataasussanik iluaqutaasussanik aqqusinniornissamut taakkununggalu atasunik tulattarfinnut minnerusunut aningaasaliisoqarsinnaavoq umiarsuarnik angallassisunut oqilisaataasussanik peqatigitillugulu qulimiguulinnut mittarfinnut anginerusut mittarfinnullu naannerusunut illoqarfinni minnerusunut inoqarfinnilu. Ataatsimiititaliap mittarfiit naatsut pillugit marloqiusamik isumaliutissiisummi maluginiakkani innersuussutigai (2015UKA18 + 167)

Tassunga atatillugu RAL-ip umiarsuaasa nioqqutissanik angallassinermut peqatigitillugu akinut soqutiginarsakkanik akiliisitsilluni nioqqutissanik angallassinermi ilaasoqarsinnaaneq misilittaaffigisinnaavaa.

Inaarutaasumik Ataatsimiititaliap maluginiarpaa, aaqqiissutissat ataasiakkaat aalajangersimasut kommuunit oqaloqatigalugit aaqqinneqartariaqartut, taamaalilluni piffinni pisariaqartinneqartut pilersaarusiornermi nalilersuinermilu ilanngunneqarsinnaassammata.

Angallannermut aningaasaliinerit tamarmik ataatsimut angallassineruneramik angallattunullu eqaatsumik aaqqiissuteqarfiussapput.

Ataatsimiititaliattaq ilaatigut maluginiarpaa, angallannerup ullutsinni innuttaasut piumasaqaataannut naleqqussarlugu aaqqissuunneqarnissaa

Peqatigisaanillu takornariaqarnerup inussutissarsiuteqarnerullu ineriartornera eqqarsaatigalugu

Taamaammat Ataatsimiititaliap Naalackersuisunut kaammattuut tulliuuttut suliaraa.

” Nunatsinni katillugit angallannermut aningaasartuutit annikillisarniarlugit angallannermilu tikittarnerit akulikissusaasa qulakkerneqarnissaat anguniarlugu attaveqarnermut nunap immikkoortuinut nunalu tamakkerlugu pilersaarutit immikkoortumut pilersaarutinut ilanngutsinneqarnissaat aamma nuna tamakkerlugu ataatsimoorussamik pilersaarusiornissaannik Naalackersuisut kaammattorneqassapput. Taamaalilluni immikkoortunut pilersaarutinut mittarfiit pioreersut qulimiguullinnullu mittarfinnut, nuna immikkoortuini mittarfiit umiarsuit pioreersut assigiinngitsut atorineqarnissaannut periarfissat aqqusinertigut nunakkut ikerasaliakkullu angallannernut periarfissat annikillisarlugillu annertusarneqarnissaat immikkoortumi pilersaarummut ilanngullugit suliarineqassallutik”

Ataatsimiititaliap inassuteqaataa

Ataatsimiititaliap isumaqatigiittup siuliani kaammattuut tunuliaqutaralugu siunnersuutip itigartinneqarnissaa innersuussutigaa.

Taama oqaaseqarluni isumaliutissiisummilu oqaatigineqartutut paasinnilluni siunnersuut ataatsimiititaliap aappassaaniigassanngortippaa.




Peter Olsen



Anders Olsen, Siulittaasoq

Aqqaluaq Egede

Nikkulaat Jeremiassen



Justus Hansen